

EPI y Colegio San Nicolas a disfruta di e Green Education Symposium dia 2

ORANJESTAD - E di dos dia di e Green Education Symposium a continua pa e scolnan EPI sector Economia, EPI sector Tecnologia y Ciencia y Colegio San Nicolas cu a presencia un mainta yen di informacion valioso y di cual nan a keda sumamente satisfecho. Ademá di un mainta den cual e plannan riba varios tereno na Aruba ta encera proyectonan cu ta visualisa Aruba 100 por ciento sostenibel na 2020.

E sesionnan tabata interesante, y tabatin un programa dibertido pero educativo den

cual a tene cuenta cu movecion durante di e symposium, cual a haci ehercicionan special, tambe a percura pa e studentenan ricibi un snack pakket hopi saludabel. Na final tabatin hopi pregunta den e sala mes, pero e studentenan a haya un e-mail special na unda nan por dirigi tur nan preguntanan.

Den pauze, e studentenan por a acudi na varios booth cu informacion encuanto di sostenibilidad y proyectonan di Green y Reciclahe.

Biblioteca Nacional di Aruba tabatin un booth, Santa Rosa

cu su proyecto di plantamento di mata na e schoolnan basico di Aruba, Aruba Yellow Pages cu hunto cu SETAR y ECOTech tin e proyecto di reciclahe di e bukinan di telefon pa e schoolnan y Fundacion Gabriel Flores cu tabata presente pa e proyecto cu hunto cu SETAR nan a realisa pa colecta e carchinan prepago di SETAR uza caba, pa traha obranan creativo pa competi den competencia di tur e



schoolnan basico participando pa gana fondo pa proyectonan special pa nan school. Un cantidad di mas o menos 2000 estudiante di diferente schoolnan di Aruba (middelbaar) a gosa den e 2 dianan

di e symposium organisa pa Biblioteca Nacional di Aruba y SETAR. Riba e combinacion di foto por tira bista di e symposium cu a wordo bishita pa EPI y Colegio Arubano San Nicolas. □

